

22.12.1990

Renowacija cyrkwyje zakónčena	Kirchenrenovierung abgeschlossen
Renowacija wosadneje cyrkwyje započina so w měrcu 1988 ze zaróštowanjom wołtarnišća. W aprylu so električka na načasny staw zmodernizowa, w meji so molerske dźěła we wołtarnišću započinachu a dwaj dnjej do patoržicy móžeše so potom wotróštować. W juniju a juliju so třěchi hłowneje a pobóčneju łódźow z kumštnym šćěpjelom překrychu. W januaru 1989 so ławki přetwarichu – rozčehnjechu, tak zo je nětko 6 ławkow mjenje ale za to wjac ruma ke klečenju. W aprylu 1989 so cyrkej za molerske a druhe dźěła we hłownej a pobóčnymaj łódžomaj znutřka cyle zaróštowa (po 50 lětach zaso). Zaměr renowaciju cyrkwyje, kiž bě so 1988 započinała, hač k primicy kapłana Wita Scapana, dnja 01.07.1990, zakónčić, so jeno dźělnje poradži: Hłowna łódź bě k tutomu wulkemu swjedenju Radworskeje wosady hotowa a wotróštowana. Nimo ryzy dźělowych a techniskich problemow a tři měsachneho přetorhnenja twarskeho dźěła dla njezboža wšako so tež wobstejnosće politiskeho přewróta wuskutkowachu. Tak so runje na dnju primicy pjenjezy do D-Marki přeměnichu. Z tym so tež twaršćizny a twarske dźěła jara podróšichu. Tola ke kóncej lěta běchu wšitke dźěła tež na pobóčnymaj łódžomaj a na chórje skónčene - hdyž tež z wulkim dołhom za wosadu.	

From:

<http://82.165.187.122/> - Radibor - Chronik

Permanent link:

<http://82.165.187.122/doku.php?id=reno-kirche1990&rev=1648744101>

Last update: 2022/03/31 16:28

